



Isalathiso: 20170410-9918
13/10/1/2
Imibuzo: TJ Magwaca

INGcaciso eMfutshane yeCandelo loLawulo loVavanyo: 0009/2017

Iya: KumaSekela Balawuli-Jikelele ; kuBalawuli abaziiNtloko ; kuBalawuli (kwaNdlunkulu nakwii-ofisi zezithili) ; kumaSekela Balawuli ; kwiiNgcali zeMfundo eziziiNtloko; kubaMpathi: weZoncedo ngezeKharityhulam; kuBacebisi bezifundo, kuBaphathi beeSekethe; kubaPhathi bezeNgcaciso: uKuphathwa noLawulo lwaBasebenzi ngoBuchule; kumaSekela eeNgcali zeMfundo eziziiNtloko nakwiiNtloko zamaziko emfundo alungiselela abaviwa iimviwo zeSatifikethi seMatriki sikaZwelonke

Isihloko: Ukwenza izicelo kwizithuba zokuqeshwa njengommakishi kwiimviwo zeSatifikethi seMatriki sikaZwelonke kwizifundo ezikhatshwa ziimvavanyo zobuchule

1. Abenzi-sicelo abatsha

1.1 Ootitshala, abacebisi bezifundo nakubacwangcisi bezekharityhulam abakhulu abazanelisayo iikhrayitheriya (ezicaciswe **kwisiHlomelo A**), bayacelwa ukuba benze izicelo kwizithuba zokuba ngabamakishi kuviwo lweSatifikethi seMatriki sikaZwelonke (NSC) lwangoNovemba 2017 kwezizifundo zilandilayo zikhatshwa ziimvavanyo zobuchule : *Accounting, Business Studies, Consumer Studies, Economics, English Home Language, Geography, History, Life Sciences, Mathematical Literacy, Mathematics ne-Physical Sciences.*

1.2 Abenzi-sicelo abatsha mabazalise le fom yesicelo ephawule ukuba **sisihlomelo B.**

2. Ukungeniswa kwezicelo (abenzi-sicelo abatsha)

2.1 **Bonke abenzi-sicelo abatsha mabaqhoshele la maxwebhu alandelayo kwiifom zokwenza isicelo:**

- Isivi (*curriculum vitae*).
- Ikopi yesazisi sakhe eqinisekisiweyo.
- Ikopi/iikopi eziqinisekisiweyo ze(e)rekhodi yezifundo zakhe.

- Ikopi eqinisekisiweyo yesatifikethi/ likopi eziqinisekisiweyo zezatifikethi zemfundo yakhe.
- Isiqinisekiso sokubhaliswa kwi *South African Council of Educators (SACE)* njengotitshala.

2.2 Izicelo mazingeniswe kule dilesi ilandelayo:

Head: Education
 Attention: Mr M Cameron
 Directorate: Assessment Management
 Western Cape Education Department
 5th Floor, Grand Central Towers
 Lower Parliament Street
 CAPE TOWN
 8001

2.3 Izicelo mazifike eWCED ungadlulanga owe-**19 Meyi 2017**. Ukuba unayo nayiphi imibuzo, kucelwa uqhagamshelane noMnu M Cameron kwifoni 021 467 2964.

3. Abenzi-sicelo abaphumeleleyo baya kwaziswa ngokuqeshwa kwabo ngokubhalelwa incwadi yaye kuya kufuneka basayine imvumelwano neWCED. Enye imbalelwano ephathelele kwinkqubo yokumakisha iya kulandela kamva.

4. **Ukugcwaliswa kwefom yesiQinisekiso ngabamakishi abaqeshiweyo**

4.1 Abamakishi abaqeshwa ngo-2015 nango-2016 baaqeshwa isithuba seminyaka emithathu (*three year period*) nemibini (*two year period*) ngokulandelelayo (respectively), ephantsi kwerivyu yaqho ngonyaka ukwenzela ukuqinisekisa ukuba ngaba bayazanelisa iikhrayitheriya zokuqeshwa.

4.2 Aba bamakishi kumele into yokuba bazalise iFom yesiQinisekiso (*i-Declaration Form; IsiHlomelo C*) ukuze kuzokuqinisekiswa okokuba basakulungele na ukuqeshwa kwabo kulo nyaka ka-2017. Zonke iiFom ezigcwalisiweyo kufuneka zibuyiselwe kuledilesi ingentla ungadlulanga umhla we-**19 Meyi 2017**. Ukuba ummakishi akayibuyiselanga **lefom yesiQinisekiso** ngalomhla obekiweyo, ummakishi lowo uchaphazelekaya uyakulahlekelwa sisikhundla sakhokwiqela labamakishi abeqeshwe nabo.

5. **Ukubhalwa kweemvavanyo zobuchule**

5.1 Ngo-2016, iWCED iya kuba iqhuba iimvavanyo zobuchule kwezi zifundo zilandelayo: *Accounting, Business Studies, Economics, English Home Language, Geography, History, Life Sciences, Mathematics, Physical Sciences, Consumer Studies ne-Mathematical Literacy*.

5.2 Kuphela ngabenzi-sicelo abafumana amanqaku ayi-60% nangaphezulu kwiimvavanyo zobuchule abaya kuqatshelwa ukuqeshwa njengamagosa angabamakishi.

5.3 Abenzi-sicelo abaye babhala uvavanyo lobuchule kwi-*Accounting, Business Studies, Economics, English Home Language, Geography, History, Life Sciences, Mathematics, Physical Sciences, Consumer Studies ne-Mathematical Literacy* phakathi ko-2011 no 2016 nababefumene ireyithi yokupasa ye-60% nangaphezulu **akukho mfuneko yokuba baphinde** babhale uvavanyo lobuchule kwezi zifundo ngo-2017. Nakuba kunjalo, kukhuthazwa ootitshala ukuba babhale iimvavanyo zobuchule apho banqwenela ukuphucula iziphumo zabo.

6. Amalungiselelo amalunga nokubhalwa kweemvavanyo zobuchule

6.1 Kuya kwenziwa zonke iinzame zokuba kulungiselelwe abenzi-sicelo kwindawo ekwisithili semfundo sabo kufutshane nalapho bahlala khona. Ingcaciso ngeendawo ekuya kuqhutyelwa kuzo iimvavanyo zobuchule iya kwaziswa kumenzi-sicelo ngamnye ethubeni.

6.2 Iimvavanyo zobuchule ziya kusekelwa kwikharithulam yesifundo seNSC okanye kwiphepha nakubuchule bokumakisha obufanelekileyo (*appropriate marking skills*) kweso sifundo okanye kwelo phepha. Nakuba kunjalo, kwimeko ye-*Economics ne-Geography*, abenzi-sicelo baya kuviwa kwikhontenti yekharithulam yawo omabini amaPhepha u-1 no-2 ngokulandelelanayo. Ngokubhekiselele kwi-*English Home Language* abenzi-sicelo baya kuviwa kwikhontenti yekharithulam yamaPhepha 1, 2 no-3 ngokudibeneyo.

6.3 Ithayimthebhile yokubhala iimvavanyo zobuchule:

IZIFUNDO	UMHLA	IXESHA
<i>Accounting</i>	29/05/2017	14:30 – 16:30
<i>Mathematics Paper 1</i>		14:30 – 16:30
<i>History Paper 1</i>		14:30 – 17:00
<i>Consumer Studies</i>		14:30 – 17:00
<i>Business Studies</i>	30/05/2017	14:30 – 17:00
<i>History Paper 2</i>		14:30 – 17:00
<i>Geography Paper 1 and 2 (Iphepha elinye)</i>		14:30 – 17:00
<i>Mathematical Literacy Paper 1</i>		14:30 – 16:30
<i>Physical Sciences Paper 1</i>		14:30 – 17:00
<i>Physical Sciences Paper 2</i>	31/05/2017	14:30 – 17:00
<i>Life Sciences Paper 1</i>		14:30 – 16:30
<i>Mathematical Literacy Paper 2</i>		14:30 – 16:30
<i>Mathematics Paper 2</i>	01/06/2017	14:30 – 16:30
<i>English Home Language Paper 1, 2 and 3 (Iphepha elinye)</i>		14:30 – 17:30
<i>Economics Paper 1 and 2 (Iphepha elinye)</i>		14:30 – 17:30
<i>Life Sciences Paper 2</i>		14:30 – 16:30

7. Ukumakishwa kweencwadi zeempendulo zoviwo lweNSC ngomnye wemisebenzi ebaluleke kakhulu kwinkqubo yoviwo. I-WCED iyazingca ngokuqesha kwayo abamakishi abanobuchule nabanamabanga emfundo afanelekileyo. Ngako oko ke, iinqununu namanye amagosa amakhulu anika iingcebiso ngabamakishi mabakwenze oku ngokunyanisekileyo nangentembeke (*must act in good faith*). Kucelwa uqaphele ukuba ukunika ingcaciso engachanekanga kwifom yesicelo kuya kuthathwa njengobuqhophololo yaye kuya kusingathwa ngokufanelekileyo ngokoMthetho weNgqesho yooTitshala, ka-1998 (UMthetho 76 ka-1998).
8. Kubaluleke kakhulu ukuba iinqununu, abalawuli bezithili, abaphathi beesekethe nabacebisi bezifundo bazise okuqulethwe yile ngcaciso imfutshane bonke ootitshala ukwenzela ukuba bazazi iikhrayitheriya zokuqeshwa phambi kokungenisa izicelo zabo. ICandelo loLawulo loVavanyo aliyi kwamkela zigxeko ukuba ootitshala abaziswanga ngokuqulethwe yile ngcaciso imfutshane.
9. I-WCED ixhomekeke kwintsebenziswano nenkxaso yakho ngalo mba ubaluleke kangaka.

ISAYINWE: NGU-PAD BEETS

USEKELA MLAWULI-JIKELELE WOLAWULO LWEKHARITYHULAM NOVAVANYO

UMHLA: 2017-05-12